



Մ Ա Յ Ր Ա Թ Ո Ռ Ո Ւ Մ

Մայիսի 31-ին, հինգշաբթի.—Համբարձումն Քրիստոսի.

Մայր տաճարում ա. պատարագ է մատուցում տ. Հովհաննես քհն. Մարությանը և «Հայր մեր»-ից առաջ քարոզում՝ «Եհաննիս մինչև ի Բեթանիա, և ամբարձեալ զձեռն իւր օրհնեաց զնոսա: Եւ եղև յօրհնելն նորա զնոսա՝ մեկնեցաւ ի անցանէ, և վերանայր յերկինս» (Ղուկ. ԻԴ 50—51) բնաբանով:

Ա. պատարագին ներկա է լինում Վեհափառ Հայրապետը:

*
* *

Հունիսի 8-ին, կիրակի.—Երկրորդ Ծաղկազարդ.

Մայր տաճարում ա. պատարագ է մատուցում տ. Մուշեղ վրդ. Պետիկյանը:

Ա. պատարագին ներկա է լինում Վեհափառ Հայրապետը:

*
* *

Հունիսի 10-ին, կիրակի.—Հոգեգալուստ (Պննտեկուստ, յիսնեորդ օր ի Ջատկեն).

Օրվա մեծ տոնի առիթով Մայր տաճարում հանդիսավոր ա. պատարագ է մատուցում Վեհափառ Հայրապետը:

Ժամը 11-ին, եկեղեցական թափորով, ամպհովանու տակ, Մայր տաճարի զանգերի ավետավոր դողանքների ներքո, Վեհափառ Հայրապետը առաջնորդվում է Մայր տաճար՝ շրջապատված պոլսահայ, լիբանա-

նահայ, սիրիահայ (Դամասկոսից) և այլ երկրներից ժամանած ուխտավորների մեծ բազմությամբ:

Հայրապետական ամպհովանին կրում են Դամասկոսի Հ. Բ. Ը. միության հայ երիտասարդաց ընկերության (Հ. Ը. Ե.) անդամները, որոնք ուխտավորաբար ժամանել են Մայր Աթոռ՝ իրենց գլուխ ունենալով թեմի թեմական ժողովի ատենապետ Բյուզանդ Յագուպյանը:

Մայր տաճարը լիքն է հավատավոր բազմությամբ:

Ա. պատարագը շարունակվում է մինչև «Հայր մեր»:

Օրվա եկեղեցական մեծ տոնի հոգևոր և պատմական նշանակության մասին քարոզում է պատարագիչ Հայոց Հայրապետը՝ «Եւ լցան ամենեքեան Հոգով սրբով» նշանաբանով, վեր հանում ա. Հոգու գալստյան և էջքի հրաշագործ նշանակությունը քրիստոնեական եկեղեցու հիմնադրման և ապա շուրջ 2000 տարի ընդհանրական եկեղեցու առաջնորդության ճանապարհի վրա:

Հավարտ ա. պատարագի Հայոց Հայրապետի ձեռքից հաղորդություն են ստանում ուխտավորներից շատերը:

Այնուհետև հանդիսությամբ և եկեղեցական թափորով Հայոց Հայրապետը առաջնորդվում է Վեհաբան, ուր բարեհաճում է ընդունել ա. էջմիածին ժամանած վերոհիշյալ ուխտավորների խումբը, հետաքրքրվում նրանց եկեղեցական, համայնքային ու ազ-

գային կյանքով, օրհնում բոլորին և թելադրում նրանց վերադարձին Իր հայրական օրհնություններն ու ողջույնները տանել իրենց թեմերի հայ հավատացյալ ժողովրդին:

Հնդուներության ժամանակ, հանուն սփյուռքի ողջ հայության և ի մասնավորի Ստամբուլի հավատավոր և բարեպաշտ ժողովրդի, որդիական երախտագիտության ջերմ խոսք է ասում Ստամբուլի հայոց Գալֆայան որբանոցի խնամակալության անդամ Կարպիս Ուլուրլյանը.

«Վեհափառ Տեր,

Երկար տարիներ մեր պատմական հայրենիքը ու մեր սիրտ և հավատքի լուսաղբյուրը՝ ս. Էջմիածինը մեր պապական հոգիներուն համար հեռավոր և անմատչելի երազ մըն էր որուն կձգտեին մեր բոլոր իղձերը, մեր էության բոլոր մասնիկները:

Այսօր այդ երազին իրականացումը կապրինք մենք և անպատմելի բերկրանքով գունդ առ գունդ կդիմենք դեպի միջրկյան կեդրոնը ուր կցուլանա հայուն մաքուր հոգին ու ջինջ հավատքը, դեպի այս կարոտալի հողերը ուր մեր ցեղը հազարամյակներու ընթացքին տառապեր ու տքներ է, բայց հոգեկան թե մտավորական մարգերու մեջ հասեր է բաղաբարկության ամենաբարձր մակարդակներու և յուրացուցեր է քրիստոնեական բարոյականի գերագույն տեսականները:

Մենք թրքահայերս հանրապետական Թուրքիո մեջ վայելած մեր ազատություններուն և համայնքային մեր հին կազմակերպություններուն մեզի ընձեռած առավելություններուն շնորհիվ, կշանանք անվթար պահել մեր տոհմիկ մշակույթին անգին գանձերը և մեր ցեղային բարոյական բարձր արժանիքները, միևնույն ատեն իբր լավ բաղաբացիներ մեր կարելին ընելով Թուրքիո բարգավաճման և վերելքին համար:

Անսահման է այսօր մեր ուրախությունը երբ կտեսնենք թե մեր պատմական հայրենիքին մեջ իրականությունը կգերազանցե մեր բոլոր երազները և երբ մեր կյանքին մեծագույն երջանկությունը կապրինք այս սրբաշունչ մթնոլորտին մեջ համայն ազգին ամենասիրելի Պետին, մեր պաշտելի Վեհափառ կաթողիկոսին մերկայանալու բարձր պատիվը վայելելով:

Վեհափառ Տեր, մոտ երկու ամիս է ի վեր ազգովին հուզումով հետևեցանք Ձերդ Վեհափառության անհանգստության լուրերուն, այսօր մեծ հրճվանքով և մեր սեփական աչքերով կտեսնենք Ձեզ կազդուրված, թրքահայությունն ալ իր անգոր շրթներով կատարյալ առողջության մաղթանքները կը միացնե Վեհիդ:

Մեր հավատքի անխորտակելի սյունին,

մեր փառահեղ Մայր եկեղեցվուն սուրբ Էջմիածինն լուսաճաճանչ պայծառության համար մեր ամենաջերմ և սրտաբոխ մաղթանքները ներկայացնելով, խորին ակնածանքով մատչիմք ի համբույր ս. Աջույդ»:

Բոլոր ոխտավորներն այնուհետև աջահամբույրով ստանում են Հայոց Հայրապետի օրհնությունները՝ հոգեպես մխթարված ու խանդավառված:

Ժամը 15-ին Վեհաբանի սեղանատանը, ի պատիվ Դամասկոսի Հ. Բ. Ը. միության Հայ երիտասարդական ընկերակցության ասպետների, որոնց խմբում էին նաև Դամասկոսի թեմականի մի քանի անդամներ, տրվում է պաշտոնական ընդունելություն, որն անցնում է ջերմ, հայրենասիրական մթնոլորտում:

Հայոց Հայրապետը ողջունում է և կրկին բարի գալուստ մաղթում պրն. Բյուզանդ Յագուպյանի ատենապետության Դամասկոսի թեմի թեմական ժողովի անդամներին և Հ. Ե. Ը.-ի ասպետներին՝ նրանց բարեմաղթելով համերաշխ, եկեղեցաշեն գործունեություն իրենց աշխատանքում:

Հարգելի ոխտավորներին և հյուրերին խանդավառ ճառով ողջունում է նաև «Էջմիածին» ամսագրի խմբագիր Արթուր Հատիսյանը:

Ճաշկերույթի ավարտին Հայոց Հայրապետը հուշանվերներ է բաժանում բոլոր ներկաներին, որոնք հրաժեշտ են առնում Ն. Ս. Օծությունից և Մայր Աթոռից անմոռանալի տպավորություններով:

*
* *

Հունիսի 12-ին, երեքշաբթի.—Այսօր հոգեվոր ճեմարանի ուսանողությունն ու դասախոսական կազմը մեկնում են ամսվերջի չորսօրյա պտույտի՝ դեպի Ադստնի հովտի պատմական հուշարձանները:

*
* *

Հունիսի 17-ին, կիրակի.—Յիշատակ Եղիայի մարգարեին.

Մայր տաճարում ս. պատարագ է մատուցում տ. Արսեն Ծ. վրդ. Բերբերյանը և «Հայ մեր»-ից առաջ քարոզում՝ «Ձեզ մմանի կարօտին ամենայն հոգիք միացեալք սրբութեամբ և սիրոյն Քրիստոսի» (շարական) բնաբանով:

*
* *

Հունիսի 18-ին, երկուշաբթի.—Սրբոց կուսանացն Հռիփսիմեանց.

Այսօր ս. Հռիփսիմե տաճարում ս. պատարագ է մատուցում տ. Եղիշե քնն. Բաղրամ-

յանը և «Հայր մեր»-ից առաջ քարոզում
«Անձինք նուիրեալք սիրոյն Քրիստոսի»
(շարական) բնաբանով:
Ս. պատարագին ներկա են լինում Մայր
Աթոռի միաբանությունն ու հոգևոր ճեմա-
րանի ուսանողությունը:

* *

Հունիսի 19-ին, երեքշաբթի.—Սրբոց կու-
սանացն Գալիանեանց.

Այսօր ս. Գալանէ տաճարում ս. պատա-
րագ է մատուցում տ. Գուրգեն քին. Աշուր-
յանը և «Հայր մեր»-ից առաջ քարոզում հա-
վոր պատշաճի:

Ս. պատարագին ներկա են լինում Մայր
Աթոռի միաբանությունն ու հոգևոր ճեմա-
րանի ուսանողությունը:

* *

Հունիսի 21-ին, հինգշաբթի.—Տօն սրբոյն
Յովհաննու Կարապետին և Աթանագիենայ
եպիսկոպոսին.

Այսօր ս. Շողակալ տաճարում ս. պա-
տարագ է մատուցում տ. Առաքել քին. Խա-
չատրյանը:

Ս. պատարագին ներկա են լինում Մայր
Աթոռի միաբանությունն ու հոգևոր ճեմա-
րանի ուսանողությունը:

* *

Հունիսի 23-ին, շաբաթ.—Սրբոյն Գրիգո-
րի Լուսաորչին մերոյ ելն ի վիրապէն.

Այսօր Մայր տաճարում ս. պատարագ է
մատուցում տ. Բագրատ արդ. Գալստյանը
և «Հայր մեր»-ից առաջ քարոզում «Յորժամ
Արդարն կացցէ քազում համարձակութեամբ
հանդէպ նեղչաց իւրոց» (Իմաստ. Սողոմո-
նի Ե 1) բնաբանով:

* *

Հունիսի 24-ին, կիրակի.—Տօն Կաթուղի-
կէ ս. Էջմիածնի.

Մայր տաճարում ս. պատարագ է մատու-
ցում տ. Աղան վրդ. Բալիոզյանը և «Հայր
մեր»-ից առաջ քարոզում հավոր պատշա-
ճի:

* *

Հունիսի 26-ին, երեքշաբթի.—Այսօր Մայր
Աթոռ է այցելում հյուրաբար Հայաստանում
գտնվող ամերիկյան մասնագետների պատ-
վիրակությունը՝ ԱՄՆ-ի ազգային գիտական
ֆոնդի ինֆորմացիոն ծառայության ղեկա-
վար Լի Բերգենալի գլխավորությամբ:

Պատվիրակության անդամներն այցելում
են Մայր տաճար, եկեղեցական արվեստնե-
րի թանգարան:

Այնուհետև հյուրերին ընդունում է Ամե-
նայն Հայոց Վեհափառ Հայրապետը և սրբ-
տագին զրույց ունենում նրանց հետ:

